

Headline	Sarawak sedia dana RM18j tingkat keluaran Musang King		
MediaTitle	Berita Harian (Sabah and Sarawak)		
Date	04 May 2019	Color	Full Color
Section	News	Circulation	246
Page No	2	Readership	738
Language	Malay	ArticleSize	307 cm <sup>2</sup>
Journalist	Norsyazwani Nasri	AdValue	RM 5,274
Frequency	Daily	PR Value	RM 15,822



# Sarawak sedia dana RM18j tingkat keluaran Musang King

→ Inisiatif pelbagaikan pendapatan, tak bergantung komoditi getah, kelapa sawit

Oleh Norsyazwani Nasri  
bhnews@bh.com.my

► Serian

**S**ebanyak RM18 juta dipruntukkan tahun ini khusus bagi mempertingkatkan pengeluaran durian Musang King di Sarawak.

Timbalan Ketua Menteri, Datuk Amar Douglas Uggah, berkata ia adalah antara inisiatif Kerajaan Sarawak untuk mempelbagaikan pendapatan pertanian tanpa bergantung sepenuhnya kepada komoditi getah,

kelapa sawit dan lada.

“Selain itu, tanaman seperti pisang dan kelapa akan terus diperkasakan,” katanya kepada pemberita selepas menghadiri Majlis Penutupan Kursus Penanaman Pokok Durian Musang King di Dewan Masyarakat Kampung Pichin, di sini, kemarin.

Seramai 600 peserta terdiri daripada petani tempatan menghadiri kursus sehari itu yang dianjurkan Lembaga Permasaran Pertanian Persekutuan (FAMA).

Yang turut hadir, Pengarah FAMA Sarawak, Shahid Abu Bakar.

Mengulas lanjut, Uggah yang juga Menteri Pemodenan Pertanian, Tanah Adat dan Pem-



Kita dalam usaha pelbagaikan industri durian Musang King kerana sambutan amat menggalakkan dan harga pasaran adalah kompetitif”

**Douglas Uggah,**  
Timbalan Ketua  
Menteri Sarawak

bangunan Wilayah Sarawak berkata, permintaan terhadap durian Musang King dari negeri ini adalah tinggi, terutama daripada China.

“Melalui syarikat Top Fruit Sdn Bhd, negeri ini berjaya mengeksport 30 tan pes durian ke China pada tahun lalu dan sebanyak 100 tan tahun ini.

## Harga kompetitif

“Kita dalam usaha mempelbagaikan industri durian Musang King kerana sambutan amat menggalakkan dan harga pasaran adalah kompetitif,” katanya.

Dalam pada itu, beliau berkata, Kerajaan Sarawak dalam proses membaik pulih bangunan Jabatan Pertanian di Tarat sebagai pusat pemungutan, pemprosesan dan pembungkusan (CPPC) durian serta buah-buahan bermusim lain, membabitkan kos RM1.8 juta.

“FAMA turut mengambil inisiatif menuuhukan CPPC bernilai RM600,000 untuk durian di Kota Samarahan,” katanya.